

Sapotem pikinini blo yu fo seif onlaen

Hem nomal fo pikinini fo laek save abautem wol wea hem stap en hem nomal fo mami en dadi fo wari abautem pikinini blo oketa wea hem seif onlaen en no onlaen. Hemia samfala ting iufala save duim fo kipim famili blo iufala seif:

1. **Mekem rul fo famili blo yufala seleva**
 - o hao mas taem yufala stap onlaen evri dae.
 - o tok wetem pikinini blo yu aboutem wat nao hem lukluk lo hem onlaen.
2. **Tok wetem pikinini blo yu abautem wat nao minim lo gud fala rilesonsip**
 - o mek sua pikinini blo yu save hu nao big man oketa trastim.
 - o mek sua pikinini blo yu save hem oraet fo talem 'nomoa' en hao fo lukaotem samfala wea hem laek hamem hem.
3. **Yu mas lanem olowae**
 - o askem pikinini blo yu wat websait or sosol midia apps hem laekem en den daonlodim en traem seleva fest taem.
 - o fo lanem moa abaotim hao fo sapotim pikinini blo yu fo seif onlaen, yu mas luk lo disfala risos wea oketa mekem fo mami en dadi blo pikinini:

netsafe.org: Advice for Parents
netsafe.org: Parenting
Facebook Parents Portal
Facebook Topic: Parents
getsafeonline.org: Safeguarding Children
getsafeonline.org: Protecting Yourself



Craesis sapot fo yu seleva, fo pikinini blo yu en fo frens blo pikinini blo yu

Taem pikinini blo yu havem no gud samting onlaen

1. **Taem pikinini blo yu wari or luk osem hem laek hetim hem seleva, yu mas getem help kwiktaem. Yu mas no livim pikinini blo yu stap seleva.**
2. **Askem hem wat nao hapen or askem oketa nara pipol wea oketa save wat nao hapen lo hem – yu save tok lo hem enitaem.** If yu wari abaotim pikinini blo yu oketa bulim or abiusim, no frait fo tok abaotim wetem oketa en askem if eniting rong or hapen.
3. **Yu mas sapot en herem hem.** Pikinini blo yu mas filim seif en save tok lo yu en tok tru lo yu. Taem pikinini talem yu wat nao hapen, yu mas livim hem tok.
4. **Iu mas stap fo tok en sapotem hem no matta wat.** Pikinini blo yu mas save dat yu bae lo dea fo helpem hem go tru problem ya.
5. **Yu mas no bleim or tok strong lo pikinini** blo yu taem oketa bad pikinini or oketa bad man tagetem hem, iven taem yu no hapi or kros. No tingting rong aboutim wei blo hem bifo samting yia hem hapen.
6. **Tok abaotem simila samting wea hem hapen lo yu.** Taem pikinini blo yu save dat similar samting hapen lo yu, hem save talem yu wat nao hapen lo hem en hao hem fil.

7. **Yu mas no talem hem samting yu save duim wea yu no save duim**, bata yu sud talem pikinini blo yu dat yu laek helpem hem fo findem ansa lo problem.
8. **Talem samfala samting fo oketa duim wetem situeson**. Mas no hatim, bata mas givim tu wei en helpem oketa fo kam ap wetem on wei blo oketa fo dil wetem situeson. Pikinini blo yu mas save en fil osem part lo plan fo hem waka.
9. **Taem yu ting pikinini blo yu in danger, yu mas duim samting abaotem kwiktaem**. Taem hem hapen lo skul blo pikinini blo yu, yu mas tok wetem ticha blo hem. Seifti blo pikinini blo yu hem numba wan.
10. **Ripotim hamful and vaeleting onlaen kontent go lo sevis provaeda**. Taem samfala iusem wanfala onlaen servis fo tagetem pikinini blo yu, yu mas repotim. Kosap evri saet en onlaen servis garem ples wea yu save repotim eni kaen no gud samting wea hem involvem yu or pikinini blo yu or eniwan yu save.

Fo lukem moa infomeson lo repotim eni no gud piksa or video or posts, or no gud man or grup lo Facebook, go lo [Help Centre](#). Iu bae laek fo ridim tu [Facebook Community Standards](#) fo lanem wanem yu save duim en wanem yu no save duim lo hem.

Sapos yu wari pikinini blo yu luk lo tambu/karange piksa or muvi wea hem tambu/karange onlaen

Yu laek tok lo pikinini blo yu abaotem fren, abautem taem bodi blo oketa chenj or abautem wat nao hem lukim lo internet, but yu no save hao fo statem? Samfala tingting fo helpem yu statem tok blo yufala lo hia.

1. Hem neva tu let fo stat toktok abaotem consent en rispekt lo frensip.
2. Yu mas no panisim pikinini blo yu – samfala taem pikinini blo yu luk lo tambu/karange piksa bae mistek, samfala taem fren blo pikinini blo yu searem kam piksa en samfala taem pikinini blo yu bae laek save samfala samting. Iu mas kaen en andastand.
3. Hem dipen lo hao yu save totok lo pikinini abaotem kastom blo yufala lo wea yufala kam from, en yu bae laek tok wetem hem tu abaotem wanem nao sex. Tok abaotem garem boefren or gelfren osem hem veri impoten, bae tok abaotem na lo wea, wanem gud taem fo boe en gel save slip tugeda, en oketa nara samting impoten.
4. Wans nara pikinini or big pikinini lo skul som pikinini blo yu tambu/karange piksa or muvi, mek sua hem save gud dat hem oraet fo talem 'no moa' en hem oraet fo no folom oketa.
5. Mek sua oketa save gud dat hem mas no searem tambu/karange piksa or muvi wetem eniwan en mas no stoarem lo eni divais.



Fo lanem moa abaot hao yu save sapatim pikinini blo yu fo hem seif onlaen, yu might laek fo lukim disfala [risos](#) wea oketa developim espesiali fo mami en dadi.

